

寶祐重修琴川志

重修琴川志卷第三

敘官

縣令古子男也齊晉曰大夫魯曰宰楚曰尹秦曰令漢大縣置令小縣置長晉洎隋皆然唐始專名曰縣令其官屬漢則有丞尉名爲長史署諸曹掾晉置主簿錄事記室功曹之官而無丞尉梁隋以來復置丞尉設曹佐唐有丞尉錄事主簿司功司倉等官皆分掌一縣之治此歷代沿革然也乃若治縣之譜則學道愛人格言具在而邑先賢言游之施於武城者尚可攷故作叙官

自虞農都尉廢乃由太康爲縣置宰以來攷之傳記戴顓何子平李曠周思輯之外無聞焉殆攷之未博歟宋朝太平興國三年錢氏納土令是邑者蔣文懌爲之首至俞彥璵凡六

十四人前志僅存姓名階位而到罷歲月則不詳也乃博求故實隨所得注其下嗣有見則補之若紹興二年施堽而來以迄于今則壁記班班矣故今編年具列且間附其所建置以詔永遠至於時事之或相關繫者亦併著之

縣令

前朝

戴顓

按南史戴顓求為海虞令出官吳下上人共為築室聚石引泉植林後隱白鵠山

何子平

按史作海虞令

唐

李曠

元和中見新開常熟塘碑

周思輯

給事中守常熟縣令咸通十三年見破山龍堂記

祀白龍于破山寺

宋

宋朝縣各置令縣大及有兵馬者以京朝官或
三班知縣事咸平中詔令兼兵者陞朝為都監
餘為監押慶曆以後始用文臣以知縣兼兵事
崇寧三年行三舍法諸縣令佐簿尉並帶主
學事宣和三年罷紹興十三年復帶淳熙三年
不入銜紹興二十一年令曾慎題名記略云常
熟舊毗陵郡南沙縣梁改為常熟自梁迄偽吳
尹是邑者姓名莫紀宋朝太平興國中錢氏以
圖籍歸始於縣令蔣文擇至元豐初知縣劉拯
求得其姓名凡四十二人到之板榜自此來者
則書之

宋縣令題名

南沙望邑而縣令題名不載於史張旭一尉之
微妙於草聖猶傳於後而況子男之職烏可無
聞哉宋自錢氏納土令是邑者蔣文擇為之首
以至俞彥嶼凡六十有四人皆不著其到罷年
月故無得而稽焉紹興二年施堦寔來迄于今

太平興國三年錢氏納土

蔣文懌

歲月井井觀其題名則其賢否可得而知也
朝奉郎試大理司直行常
熟縣令兼監察御史太平
興國四年止七年見龍母
墳堂記
還白龍歸頂山寺

崔彤

李璨

夏侯延祐

朝散大夫行上柱國淳
化四年見仁王院帖

裴署

承奉郎守大理評事知縣
事監酒稅茶鹽至道二年
見重修仁王禪院記修延
福院記作守光祿寺丞
秘書省校書郎

王世昌

盧永

李獻誠

張川和

太子中舍

許駢

衛尉寺丞

張士廉

承奉郎守秘書省著作佐郎大中祥符三年見龍堂碑陰文祥懷州人左史攀五世伯祖

韓宗幹

張舜

韓常

吳繼宗

胡順之

著作佐郎天禧中見寶嚴寺記國子博士

李文盛

胡晏

太常博士知縣事兵馬監押天聖三年見淨慧院帖朝奉郎屯田員外郎知縣事兼兵馬都監騎都尉天聖四年見乾元宮紫微殿記又五年見破山梁僧道

戒碑

楊寵

大理寺丞

張霖

太常博士

李衡

太子中舍

何知至

屯田員外郎

楊文敏

太子中允

胡宿有送行

陳漸

殿中丞

梁佐

贊善大夫

張士程

殿中丞

晁宗恪

贊善大夫

范琪

朝散大夫行太常博士知
縣事兼兵馬都監管縣界
塘岸公事騎都尉慶曆六
年見寶嚴院佛殿記

馬耿

國子博士

江中孚

殿中丞

桑澥

宣德郎守尚書都官員外郎知縣事兼兵馬都監管

勾塘岸公事騎都尉至和初見乾元宮修造記又嘉祐三年見勝法寺新十方記

張貴和

駕部員外郎

成偉

衛尉寺丞

盡著

殿中丞監光祿寺丞知縣兼兵馬監押嘉祐七年見淨慧寺帖

向宗旦

宣奉郎守太常博士知縣事兼兵馬都監及管河塘溝洫公事治平二年見順民倉記又治平三年見瑞石庵記作守秘書丞

建順民倉

陳知白

朝奉郎駕部員外郎
王琪送圓照歸瑞石詩見
秘書丞

饒珙

李執柔

大理寺丞

李佑賢

太子中舍

王子韶

太常丞

趙君章

寧海軍節度推官

崔貽孫

太子中舍

劉拯

將仕郎守秘書省著作佐
郎元豐二年見頂山麓路
記作宣德郎知縣宣德元
豐六年狀稱

宋順國

奉議郎

王植

通直郎元祐二年見明因
寺改禪寺記
通直郎元祐五年見破山
重刊二詩碑

林會

項瞻

承議郎

吳勉

奉議郎

朱之劭

承議郎

徐齊

承議郎

胡庶

宣德郎

柳恣

宣德郎

趙岷

承議郎
崇寧丙戌至大觀
改元見跋趙清獻公詩
觀

傅裔

承議郎
知縣兼管學事
勸

農公事
兵馬都監及管縣
界河塘溝洫事
武騎尉
大

馮躬亮

承議郎

黃昌衡

衡前志作行
宣德郎政
和四年見壽聖院及永慶
寺結界記

朱彥求

奉議郎政和五年見新建
宣惠侯廟記

李光

宣教郎政和七年見東嶽
行祠記又政和戊戌見勝
法寺詩刻及智林寺題壁
上虞人官至參知政事
謚莊簡

宋晦

通直郎

吳祖仁

奉議郎

高大中

朝奉郎

石集

承議郎

建炎以後

淳熙八年令陳映續題名記略云映不佞來既
年所始閱次中興以來為今者至映人名氏授
受月而日之鏡石壁端以告來者

建炎元年

高宗即位于南京
每縣忝置武尉一

李闔之右朝諸郎前制止稱建炎間
今姑列于此建縣四門

二年

三年

四年

紹興元年

二年

三年

四年

五年

六年

車駕初幸杭州
韓世忠自海道領
兵從縣赴郡會張
浚勤王之師
兀術犯吳李閻羅
屯兵于縣

俞彥嶼

左朝奉郎
歲月莫攷仍
前志列于李
闡之次

施堦

右通直郎知縣
主管勸農公事
兼兵馬都監
六月至四年四月

陳適

右通直郎
七月至五年八月

夏元亨

右奉議郎
十月至六年
六月

祝邦翰

右奉議郎
九月至七年

罷武尉

十月

七年

上官世美
右宣教郎
四月至十月

九年

十年

十一年
詔李椿年行經界
劉寬
右承議郎
四月至十三年

十二年

十三年
諸縣令佐簿尉復
許聿
右宣教郎
六月至十五年

帶主管學事

十四年

十五年

孔瓚

右通直郎
四月至十七年
八月

十六年

王筠

右承議郎
十一月至二十
年十一月

十七年

十八年

十九年

二十年

曾慎

右通直郎
十二月至二十
二年八月

二十一年

二十二年

任古

左朝散郎
十二月至二十
五年十月

建宣風樓

二十三年

二十四年

二十五年

柴叔仁

右奉議郎
正月至二十
七年正月

修社壇

二十六年

二十七年

王子渭

右通直郎
五月至三十
年六月

二十八年

二十九年

三十年

莊班

右通直郎
六月至三十
一年五月

三十一年

沈功永

左宣義郎
七月止十二月

癸未

三十三年

隆興元年

二年

乙酉

乾道元年

二年

三年

四年

慎知柔

左通直郎
十二年九月三

鮑格非

左從事郎
三月至二年

唐光謙

左奉議郎
九月至乾道二年二月

孫份

左宣教郎
五月至三年九月

趙善括

左奉議郎
六月到任七年八月以賑濟有勞特轉

一官十一月
差通判平江府

五年

六年

始分定海水軍屯
于許浦

七年

王宗已

奉議郎
十二月至淳
熙元年六月
差監登聞鼓院

八年

九年

淳熙
元年

劉穎

承議郎
七月到任二年
以水利有勞特
轉一官至三年
七月

二年

三年

令佐簿尉主管學
事不入衙

陸瀛

通直郎
七月至五年九月

四年

五年

六年

七年

八年

九年

十年

十一年

十二年

何濛

奉議郎
九月至七年五月

林京

通直郎
九月至十月

陳映

通直郎
十二月至八年九月

曾榮

宣教郎
五月至十一年十月

修社壇

晁子溫

通直郎
四月至十四

修學
重建跨塘橋
重建縣衙寢室

年四月

十三年

十四年

陸相

通直郎
八月至十五年
七月

十五年

十六年

周復

承直郎
四月至紹熙元
年正月

庚戌

紹熙
元年

二年

三年

四年

程準

宣教郎以文名
四月至二年四月

姚僎

宣教郎
十月至三年四月

葉知幾

儒林郎辟差
三月至慶元
二年四月

卯乙

酉辛

五年

慶元元年

二年

三年

四年

五年

六年

嘉泰元年

二年

孫應時

通直郎以文行名四月至五年六月

創言子祠于學

有惠愛既滿太守挾私憾以倉粟累欠三千斛見問士民感德檐負願代輸不聽竟坐貶秩罷至今人思之

朱燾

通直郎六月至八月

邵公翰

通直郎十月至六年八月

何克

宣教師八月至三年正月

重建縣志申請許浦軍校就倉支給創置祠亭

乙丑

戊辰

三年

四年

開禧元年

二年

三年

嘉定元年

二年

三年

縣重建城隍廟

婁孝則

宣教郎

五月四年十月

王良臣

宣教郎

正月至十月

何叔忱

宣教郎

二月至十二月

葉凱

宣教郎

二月到任嘉定

修學

二年四月以平
反冤獄得旨
任滿與陞擢
遣在任轉通
替郎三年三月滿

申請三鎮稅錢
自行納郡志
刊琴川志

徐次鐸

宣教郎

以文名

二年二月

修社壇

四年

五年

六年

七年

八年

九年

十年

十一年

添置嘉定縣

趙師耀

宣教郎
八月到任
七年十二月差
通判廬州

錢厚

宣教郎
十二月到任
以文名
八年五月避親
雜任

趙崇志

奉議郎
八月到任
至十一月九月
滿替

張珽

九月以宣教郎
到任
十三年轉
通直郎七月特
差僉書寧海軍

節度判官廳公事

十二年

十三年

十四年

沈璞

正月以承奉郎
到任八月轉承
事郎十五年轉
宣義郎十六年
十月離任

十五年

十六年

十七年

陳仲埴

三月以宣教
郎到任七月
准紹興府餘
姚縣勅兩易

惠疇

七月以承議郎
到任登極恩轉

酉乙

子戊

寶慶元年

二年

三年

紹定元年

二年

三年

四年

五年

承議郎磨勘轉
朝奉郎賞典轉
朝散郎寶慶二
年七月滿替

趙師孥

八月以通直
郎到任紹定
三年八月滿
替

史彌厚

八月以奉議
郎到任六年
八月滿替

六年

甲午

端平元年

章巽亨

八月到任以奉議郎
元年到任端平
四年四月離

王爚

八月到任以奉議郎
一職事修舉年
轄左官當除提
龍農古官也句
後猶棄之任漢
康成輩為大儒
其後專為文俗
吏古意微靖爾
立身秉端靖之
操歷官著廉直
之各出總賦興
張弓之勢稍弛
入贊廟謨改弦
之化有助擢之
卿列仍有兼宰
命夫積貯天司
出納有司之

丁酉

二年
三年
嘉熙元年

二年
三年
四年

事爾方今耗蠹
吾之財聚者非
兵與吏乎汰冗
去濫是為司
之所得為其
與吾大臣議所
以變通之策以
副朕用儒者治
金穀之意可

戴衍

到任三月以奉議郎
轄左藏庫除提郎

趙師簡

三月以通直
郎到任淳祐

重建縣學教育言氏子孫
復修經界結立義役
修社壇
建道愛堂
創義所
建翠川館

辛丑

淳祐元年

二年

三年

四年

五年

六年

七年

三年三月滿替

張從龍

郎三月到任以宣教
八月離任四年

劉桀

郎十二月到任以宣教
年正月離任七年

趙與翊

郎三月到任以奉議
轄權貨務再
留任淳祐八年
安府都廂除臨

八年

別楠

到六月以通直郎
任至淳祐十
年八月差行在
提領所幹辦公事

九年

十年

十一年

石森

到九月以宣教郎
任至十二年
正月離任

十二年

鮑廉

到四月以宣教郎
任至寶祐元
年八月轉通直
郎至寶祐二年
江月辟差充沿
辦公事置使司幹

癸丑

寶祐元年

二年

三年

程在孫

二月到任以宣教
轉通直郎至
寶祐四年五月
以憂去官

講行鄉飲

四年

王文雍

五月到任以通直
郎六年六月
省割除提領
戶部稿賞所
主管文字

重修縣樓 置刻漏
重修頌春手詔

五年
六年

興復縣務創兩務官廳
重浚縣前河
浚福山塘
砌承流門并慧日寺前
街建寶祐新院
修承流門秋報門
修明板籍

丞一負

熙寧四年中書劄子諸縣主戶二萬以上難治
乞置丞一大觀四年令兩浙相度不係繁難縣丞
薄克丞和二年復置建炎元年詔如係嘉祐以
並罷政初縣及萬戶並注丞
前貢闕及萬戶許置丞餘
並罷紹興初縣及萬戶並注丞

宋

王 朝散郎元豐二年見頂山麓路記

陸韶 文林郎主管學事大觀三年見頂

魯詹 文林郎祠記主管學事政和五年見宣

林友 文林郎廟記主管學事政和五年見宣

劉敦 修職郎

周冲

陳宗盤 紹興八年三月以通直郎至

陳份

紹興十年三月以朝奉郎賜緋至

朱旗

紹興十二年四月以承議郎賜緋至

王大隱

紹興十四年七月以承事郎至

胡履泰

紹興十六年八月以宣義郎至

李孝純

紹興十八年六月以宣義郎至

蘇楷

紹興二十年十一月以通直郎至

俞民康

紹興二十二年十二月以奉議郎至

黃伯達

紹興二十四年十二月以宣義郎至

江續之

紹興二十七年二月以承議郎至

黃誘

紹興二十九年四月以通直郎至

鄭穆

紹興三十一年四月以朝奉郎賜緋至

胡伯廉

隆興元年六月以承議郎賜緋至

宗嗣尹

乾道元年八月以通直郎賜緋至

趙伯僖

乾道三年十一月以奉議郎至

秦焯

乾道六年三月以承議郎賜緋至

黃夏

乾道八年四月以宣義郎至

張孝伯

淳熙元年七月以文林郎至

施遲

淳熙四年七月以宣義郎至

木師顯

淳熙七年十二月以宣義郎至

沈梓

淳熙十一年二月以宣義郎至

康丕祖

淳熙十三年六月以承奉郎至

蔡興文

淳熙十五年十月以從政郎至

傅巖

紹熙二年四月以承直郎至

趙公傳

紹熙四年十月以承事郎至

趙善勛

紹熙五年十一月以承議郎至

傅良

慶元元年三月以儒林郎至

姚汝龍

慶元三年四月以從事郎至

丘壽邁

慶元五年六月以宣義郎至

趙端

嘉泰元年八月以宣義郎至

張漑

開禧元年閏八月以承直郎至

趙善箴

嘉定元年十月以承奉郎至

詹彭祖

嘉定二年四月以宣義郎至

廖覲

嘉定四年四月以承務郎至

趙必愿

嘉定五年二月以承務郎至

蔡駿

嘉定七年八月以從政郎至

蕭好古

嘉定十年八月以承務郎至

趙時份

嘉定十二年十月以承奉郎至

劉南

嘉定十四年十月以承直郎至

趙希翺

嘉定十七年十二月以宣義郎至

陳旼

寶慶年 月以修職郎至

趙汝溥

紹定二年三月以承務郎至

孫沂

紹定四年三月以承直郎至

趙希魯

端平元年四月以承直郎至

傅究

嘉熙元年十月以儒林郎至

賈喚

嘉熙四年閏十二月以承務郎至

錢宜之

淳祐二年三月以儒林郎至

孫由義

淳祐五年四月以承務郎至

錢學祖

淳祐七年六月以從事郎至

蘇述

寶祐元年七月以迪功郎至

郭端朝

主簿一員

開寶元年詔諸縣千戶以上依舊置丞簿尉三員紹興十六年臣寮奏初業之初人物稀少乞將東南縣小而事簡者簿尉常闕負而尉兼之其後縣滿萬戶置丞却而簿猶闕朱興劄子萬戶以下縣分已不差丞却多主簿兼尉者乞應如此去處並特專置主簿一員從之

唐

蕭存

按蕭存字伯誠潁士之子亮直有父風能文辭浙西觀察使李栖筠表為常熟主簿見唐史蕭潁士傳

宋

李

大中祥符元年見淨慧院改賜院額帖

程冕

守主簿淳化四年見修仁王院記

劉元同

將仕郎試秘書省校書郎至道二年見修仁王院修延福禪院記

錢振

登仕郎天聖三年見淨慧院帖

李居正

將仕郎天聖五年見乾元宮陰符

夏侯詢

將仕郎慶曆六年見寶嚴寺佛殿

余卞

將仕郎嘉祐三年見勝法寺新十

廖鼎臣

方記嘉祐七年見淨慧院帖
登仕郎熙寧元年見順民倉記又
治平丙午見瑞石庵記兼河塘溝

許異

將仕郎守主簿兼管河塘溝洫
元豐二年見頂山麓路記

徐布

石
元豐五年見破山八詠碑

張叔達

明因新兼河塘溝洫元祐二年見

鄭僖

將仕郎大觀三年見頂山龍祠記

陳廩

登仕郎政和五年見宣惠侯廟記

趙子淙

右迪功郎紹興三年見重修嶽廟

趙憲

右從事郎紹興六年見嶽廟石座

王

右從事郎紹興十五年見慧日寺
度僧公據隆興癸未見龍祠呂真文

趙彥清

感應記

隆興癸未見龍祠呂真文

淳熙八年以後

蕭達

淳熙八年八月以迪功郎至

趙汝伋

淳熙十一年十月以修職郎至

施季熊

淳熙十四年十二月以修職郎至

黃直史

紹熙二年四月以修職郎至

張拭

紹熙五年九月以修職郎至

趙彥候

慶元三年七月以迪功郎至

趙師聶

慶元六年八月以迪功郎至

鮑端亨

嘉泰四年正月以迪功郎至

盧子及

開禧二年十月以迪功郎至

曹仲珪

嘉定二年十二月以承直郎至

陳逢堯

嘉定六年正月以迪功郎至

張正己

嘉定六年十二月以承直郎至

李昌祖

嘉定七年十一月以文林郎至

趙汝郛

嘉定八年十二月以修職郎至

王澤

嘉定十二年二月以修職郎至

臧忠輔

嘉定十五年七月以承直郎至

趙孟孫

嘉定十六年十月以從事郎至

李興宗

寶慶元年七月以修職郎至

趙希弘

紹定元年十月

洪坎

紹定四年十月

趙善徙

端平元年十月

張必達 嘉熙二年二月

趙汝眄 嘉熙四年十一月

趙時喆 淳祐四年十一月以修職郎至

唐世忠 淳祐七年十二月以迪功郎至

游杞 淳祐九年十一月

舒斗祥 淳祐十二年七月

俞文炳 寶祐三年十月以迪功郎至

尉一員

建隆三年十二月詔盜賊鬬訟頃因兵革遂委
鎮貞今後仍舊屬縣委今尉管當其鎮都虞候
只許管當鎮郭下煙火盜賊事每縣置尉一員
因以縣戶口數定弓手額有差建炎元年詔兩
浙路依河北例招致弓手樞密院乞各添差武
人縣尉一員本縣指使一員招致弓手以五百
人爲額縣兼領仍置將領部將紹興四年罷今
尉銜內帶巡捉私茶鹽礬兼催緝

唐

張旭

初仕爲常熟尉有老人陳牒求判宿昔又來怒
其煩老人曰觀公筆迹奇妙欲以藏家耳因問
所藏盡出其父書視之天下奇筆也自是盡其
法見唐史李白傳

許

宋

李順之

文林郎至道二年見修延福禪院
記及修仁王院記

胡賑

文林郎天聖三年見淨慧院帖
守縣尉天聖四年見乾元宮崇徽

殿記

宋盛

登仕郎慶曆四年見寶嚴寺佛殿記

楊惟善

將仕郎嘉祐三年見勝法寺新十方記院帖守縣尉嘉祐七年見淨慧

丁惟一

將仕郎兼河塘溝洫治平丙午見瑞石庵記

陳于

文林郎試秘書省校書郎守縣尉兼管河塘溝洫元豐二年見頂山覽路記

葉之漸

石元豐五年見破山八詠碑

洪彥昇

明因寺兼河塘溝洫元祐二年見新改禪寺記

嚴挺民

將仕郎主管學事大觀三年見頂山白龍祠記

吳驤

將仕郎政和五年見宣惠侯廟記

強公邵

右迪功郎紹興三年見重修福山藏廟記

王敏

修武郎添美紹興三年見重修福山嶽廟記

趙子溥

右迪功郎紹興六年見福山石座記

紹興二十九年以後

卓元龜

紹興二十九年十一月以修職郎至

李緘

隆興元年二月以從政郎至

劉永平

隆興元年五月以從政郎至

趙善熙

乾道二年十月以迪功郎至

李楠

乾道三年十一月以迪功郎至

葉蕤

乾道六年十二月以迪功郎至

章昭祖

淳熙元年二月以從政郎至

李開

淳熙四年四月以迪功郎至

程達

淳熙七年四月以迪功郎至

李擴

淳熙九年十月以迪功郎至

米巨源

淳熙十三年二月以迪功郎至

章賡

紹熙元年二月以修職郎至

趙笈夫

紹熙四年四月以迪功郎至

曾達

慶元三年六月以迪功郎至

劉祖邁

慶元六年六月以從事郎至

莫燾

嘉泰元年八月以迪功郎至

李杞

嘉泰二年八月以迪功郎至

薛宦

開禧元年十月以迪功郎至

黃應酉

嘉定元年八月以迪功郎至

鄒孟

嘉定四年九月以迪功郎至

趙希燿

嘉定七年十一月以修職郎至
任滿酬賞改承奉郎

監務二員

慶曆以來並以茶鹽酒稅署
今但酒稅
年求權職者因緣本府差為提督
近
監官二員反為

永利下

重修琴川志卷第四

叙山

龜蒙巖巖魯邦所瞻地必有山以爲之鎮焉常熟潮汐之壖雖無層巒疊嶽可與岱嵩王屋等然虞山自虞仲而得稱標揭圖乘舊矣此外雖小大不倫亦皆爲一方之表識況夫名賢逸士選竒而遊憩高僧羽人擇地而棲止勝槩具存蓋不可以沒其實也故作叙山

山

虞山在縣西北一里一名海隅山高一百六十丈周回四十六里六十步山海經注云吳之烏目山也陸澄吳地記云本吳之虞鄉孫權置虞農都尉於晉太康二年改爲海隅孫以其東臨滄海故也越絕書云虞山巫咸所居此舊志

所紀也山雖無峯巒而蜿蜒起伏略如臥龍隨處望之形
貌各異山之顛堆坳磊砢累然如蓬顆似皆人力爲之
或疑古人墓處其中大抵壘石爲椁巨石覆之自邑市入
虞山門即登山半里至半山亭躡山脊而上至乾元宮前
有極目亭下瞰萬家平挹兩湖南望姑蘇諸山北見大江
最爲絕勝又西北行山脊四望益空迴過普照寺廢址至
維摩菴林木茂密可愛稍北下山腰有石屋可坐十許人
相傳太公避紂于此其旁流水平布石上激可愛有顯
親禪院覺海菴菴傍有石洞天將雨輒出雲氣又西北行
山脊有拂水巖下臨山阿崖壁峭立水落兩石間微風激
之濺灑霏故名山南北址皆臨大道南道出秋報門循
山而西致道觀嶽祠皆瞰山之麓又過吳王廟五六里而

有張氏光祿亭亭前有大杏一本花特茂異父老相傳幾二百年俗謂之杏花亭有宗丞富元衡篆額甚奇古張君柎嘗爲三衢守花時邑人游賞不絕今杏已不存亭亦改爲佛舍矣又其西曰谷林參議虞似平之圃有亭曰退耕曰翠微其名虞似良仲房所隸書參議亦善隸且能詩今爲富民所有山巔有巨石石中分爲兩望之如劍痕俗傳吳王試劍石今馬帥周虎墓在其下墓前有亭臨沅曰劍溪又西北至寶嚴寺山之南境盡矣其北道出宣化門循山而北過報慈寺六里西北入破山興福寺寺多古跡臨龍關澗山腰有光明菴再出西北行十二里入頂山寺登白龍祠跨小嶺至上方院高崖曲澗林木蒼鬱俗謂之小靈隱轉而下有中峰瑞石菴又有水簾之勝在焉是爲山

之北境此其大畧也若夫山之爲名括地志則曰海隅吳郡志則曰海虞續志則曰海巫祥符圖經則曰海隅爲名不一至於虞山之得名

見隋志

慶元志引

記謂本吳之

虞鄉孫權置虞農都尉於是山因以爲名然吳越春秋載吳太子娶齊女病而死曰必葬我虞山之巔以望齊國越絕書又曰虞山巫咸所居則虞山之名吳越時已有之矣竊詳此山恐因虞仲而得名按史記虞仲即仲雍奔吳而葬此山之上或者因以名其山史有兩虞仲一字仲雍爲吳始祖一周章之弟仲始封於虞亦曰虞仲周章都安邑稱曰虞城則仲雍所居稱曰虞山理或有之更俟博議者訂焉

按朱長文志海隅山在常熟有二洞穴穴側有石壇周六

十丈山東二里有石室吳仲雍周章闔閭長子並葬此山
山西北三里有越王勾踐廟梁昭明太子作招真治碑云
虞山巫咸之所出也高巖鬱起帶青雲而作峯瀑水懸流
雜天河而俱會又云其峯有石城石門卽此山也石屋意
卽所謂石室而二洞不見其一石壇及諸墓亦不知孰是
破山亦虞山之別山因白龍鬬衝山而去故曰破山
頂山去縣十八里乃虞山之別山未至山有齊女峰高二十

丈周八十步亦頂山一峰相傳齊景公女葬於此
龍母峰在縣西北十八里卽頂山之一峰龍祠在焉

烏目山慶元志引山海經曰虞山卽烏目山按吳地志海虞
山北有烏目山今頂山之南有烏目山界于山有烏目澗
景祐間陸果題烏目山詩是也

元豐三年邑尉陳子記云
縣依山之陽是爲陽山以

瀕海之隅也又名虞山以昔人虞治于此也山北行九里
為破山以關龍衝破山為澗又北行九里為頂山又北行
六七里為小山山之南相距三四十里
而名已不一矣又合而名之或曰鳥目山也

小山在縣西北二十里高十七丈周四里一百步

福山在縣北四十里高九十五丈周五里本名覆釜山其形
似也唐天寶六載改為金鳳山梁乾化三年又改今名東
嶽行祠在山之麓

小竹山在縣北四十一里高五十丈周三百步

崇德山在縣北三十八里高六十五丈周七里三十步舊經

云晉處士夏統宣城太守郗臻所居

常熟山在縣北三十七里高一百五丈周七里本名銅官山

唐天寶六載改今名

永安山在縣北三十六里二百步高七十四丈周圍二百四

步

舊經云梁范冀之昆弟同居此山又云即下范山也

范山在縣北三十六里二百步高七十四丈周二里四步舊經云梁范冀之昆弟同居此山因以爲名

河陽山一名鳳皇山一名小山在縣西北四十五里高一百二十丈周七里舊志云出山藥詳見鳳皇山永慶寺所載志山在縣四五十里高九十丈周四里一百步與河陽山相對近歲村民鑿地得唐時墓中斷碑上云葬於鷺山之下然則當爲鷺今碑在富民樊氏家

穿山在縣東南一百四十五里高一十七丈周二百五十步山有石洞前後通徹可以往來故名

苑山在縣西南五十里一百步高四十丈周五里

靈龜山在縣西北五十里高一百七十丈周二十一里東南

屬常熟西南無錫界西北江陰界俗呼爲三界山亦曰顧山又曰香山

烏丘山在縣東南二十七里近崑承湖三里

重修琴川志卷第四

重修琴川志卷第五

叙水

襟江帶湖昔人以侈洪都之雄也常熟亦髣髴焉大江枕其北諸湖貫其中而東海渺瀰且復近環吾境之外則夫水利便宜江防條畫所當精講而預謀也故作叙水

江防

大江在縣之北與通州對境自福山之江口至縣三十六里福山居長江下流險莫甚焉然自古國於東南者類置而不問吳孫權時西陵舉火達吳郡南沙晉趙石堪遣兵寇南沙海虞雖此備彼寇皆由江道然未嘗專以福山為慮也吳志載吳虞雖此備彼寇皆由江道然未嘗專以福山為慮也南揚都注曰孫權時合募舉火西陵鼓三竟達吳郡南沙南沙吳時名沙中晉以為縣晉書載記石勒傳晉將軍遂冠錢鏐有國始於福山置戍以防南唐之寇宋初

混一戍皆省罷建炎初嘗分江陰水軍戍福山議者謂虜騎入通州勢如牛角尖退有腹背受敵之患故其戍不常置紹興中呂祉乃請於福山置戰艦其言曰大江之險所當固守守江之策有三節焉大江之南則宜列戍兵多備舟楫以俟濟師錢鏐之備浙西則於福山江陰控扼尤緊今誠倣此令鎮江江陰福山沿流各具戰艦又於江之中嘗置重兵此備真揚通泰之渡江策也又請於福山嚴把隘其言曰水軍見屯興化縣所謂虜寇頗聞具舟甚久一旦爲官軍迫逐計無所出必走通泰泰與江陰對岸通與平江崑山福山對岸兩處沿江各有岸步可渡人馬欲望詔御營使司量遣兵將前去江陰福山等處把隘委自兩州守臣措置候賊平即抽兵歸行在未幾虜兵退竟不施行淳祐壬寅虜犯通州議臣復

有福山把隘之請時遣御前軍八百戍福山閱月而撤戍淳祐庚戌朝旨乃置兵三百人號忠節建寨於福山亦甚當矣但今許浦既宿重兵則控扼福山之議似不必講不若合忠節軍於許浦却從許浦分戍于此庶事權一爲可運掉也

海道

晉劉澄浮海入寇害南沙尉見京志則海道之防吾邑尤所急也許浦去海爲近東出海門料角之間勢與膠西相直實今日要害之地紹興辛巳淮浙東西路通泰海州汧海制置使李寶嘗任招討之貴領軍駐許浦從大洋進山東遂奏膠西之捷乾道中用馮湛計始分定海水軍爲許浦置屯時許浦深闊可蔽戰艦比年以來頗覺淤塞外沙渾隆起潮雖盛大艦衰雖重不能出海道有變應接非便於是乃有分屯寨兵

更成顧逕之議至寶慶間增爲二千五百人升爲左軍轄以
統制易更成爲就屯許浦既宿重兵而又得顧逕爲之掎角
兩屯相望雄于江潯所以爲備禦計者始益詳盡矣

水利

常熟爲邑北枕大江諸湖交貫其中實澤國也有陂塘以蓄
灌溉有泖澱以泄深漲故無旱乾水溢而得常熟之名然潮
沙易積浦溆多壅每賴疏濬導之功錢氏有國時創開江
營置都水使者以主水事募卒爲都號曰撩淺宋朝因之有
卒千人爲兩指揮第一在常熟第二在崑山專職修濬自郡
民朱勔進花石綱盡奪營卒以往於是開江營遂空而修濬
之事廢矣按紹興中大理寺丞環周言平江低田多爲水浸
蓋諸浦淤塞望令有司於農隙開浚俾北流通徹實無窮之

利乃詔兩浙漕臣措置而轉運副使趙子瀾知平江府蔣繁言太湖者數州之巨浸而獨泄於松江之一川宜其勢有所不逮是以昔人於常熟之北開二十四浦疏而導之於揚子江又於崑山之東開十二浦分而納之於海其浦後皆爲潮汐沙積而開江之卒亦廢於是民田有淹漫之憂天聖間漕

臣張綸嘗至常熟崑山各開衆浦使天聖中吳中水災命發運使張綸同守臣於崑山

景祐間范文正公亦開浚五河親至海浦守文正公

入嶺歟謂松江不能盡泄震澤之水當疏導諸邑河渠東南

政和間提舉官趙霖又開三十餘浦此皆見於已行

者也

石門
撞塘
浦浦
陸崔
河浦
浦耿
北溼
浦浦
甘魚
草磧
浦浦
千塢
步溝
溼浦
浦瓦
司浦
馬塘
溼浦
浦高
發清
溼金
浦溼
黃浦

鶯浦也
 宣和元年正月霖修築常熟塘岸隨岸開塘又開黃浦自陳家莊至埭浦塘口出梅里塘長二十三里有

三

泗浦連小山浦至湖口長七十里有時又築常熟塘岸長六十里有時界岸長四千七百三十一丈十月復應詔措置可為田處修築錢涇口至藕蕩村大岸張墓塘北至小山浦山塘涇自小山浦口至本縣市河顏家涇微入小山浦至是年八月內今諸浦堙塞又非前比總計用工三百三十餘萬錢畢工三十三萬餘貫米一十萬餘石緣平江積水已兩月未退望速行之乃詔監察御史任古本路提刑徐康覆視古至言常熟五浦通江委是快便若依子瀾所請以五千人為率來歲正月入役月餘可畢又言平江四縣舊有開江兵二千人今乞止於常熟崑山各招填百人得旨從之遂出御前激賞庫錢平江府上供米如其所請之數於是即日興工焉竊攷任察院所奏最為知利害者蓋此邑有五浦皆注于江東則白茆浦東北則許浦正北則福山浦西北則黃泗浦及奚浦五浦常濬則潦無漲溢之虞旱獲灌溉之利所關不小耆老猶

記海舶常至邑郭故邑有通江橋而許浦過梅里鎮潮汐迅
急鎮橋之下往二壞舟至開月河以殺水怒而紹興丁卯康
舉之作招真記云邑去江不及程陂湖畎澮之積自南至者
傾入于江江潮既應則迅瀾倒流逆于市橋之二水相制移
時不能去可想矣自紹興丁卯至今九十七年涇浦淤塞至
或委曲僅一線之水既無復開導而陂湖又多包圍成田故
水則下流不能遽泄遂決溢以成淹浸一或告旱而上流去
水愈遠易成一汨浙西提舉徐誼所謂昔之中田今爲上田
昔之下田今爲中田昔之草蕩今爲下田是也極於寶慶之
水嘉熙之旱無所措手大爲邑民之病然則任斯邑之寄者
水利源委蓋不可不熟講也按熙寧三年崑山鄉壘獻水利

不盡錄大畧則見之吳郡志中

策備述原委尔有可采者文多

揚子大江在縣東迤而北與通州壑岸自北江下至縣三
十六里

湖

尚湖在西南去邑四里長十有五里廣九里舊經曰上湖

崑承湖在東南去邑五里廣長各十八里舊傳有蜃舟人夜
行或見之屹如巨岸目光閃爍梅潦降呼吸雲霧騰駕風
濤泔湖之田莽爲巨漫田家患之一日有客舟適崑山遇
白衣婦人附舟去抵岸忽不見自此湖中無患意即是物
也舊經不載按朱長文志唯曰崑湖別有陽城湖與上湖
相對俗謂之八字湖

馬涇湖在崑承湖東南接崑山境去邑四十里廣長各五里
父老相傳云舊有就水草牧馬者一夕羣馬驚鳴逸入于

水故鳴馬驚今字之訛耳

涇

小娘子涇在縣治之前循縣治而西折而北又西過慧日寺又北沿虞山之趾貫絡邑中古以䟽泄山水之暴自兵火後民居侵塞由慧日寺以西僅存一溝自其東過縣而屬于運塘亦皆爲浮棚不復通舟故霖潦波市而旱燥無以備火邑民病之嘉定元年三月令葉凱謂涇之循縣而西者皆居民覆屋其上湮塞歲久開浚必動衆未易輕議至若貫縣橋而東者一河橫亘闌閘䟽而導之不獨舟得徑抵井邑且可備鬱攸之灾遂捐公贏募役夫浚治不日通流東徹運渠西南水湊航船步公私便之或曰本小洋子涇訛爲娘字耳

山塘涇在虞山西南小山港在山西北政和間父老請于朝
開此二涇以泄山水之暴故田者得免冒沒

塘

常熟塘自齊門北至常熟百餘里朱長文志云唐元和中所
開古碣僅存其郡守氏李不著名廉使氏韓元和三年韓
臯爲浙西觀察使疑即臯也緣塘皆有涇浦入于北江蓋
釀其渠以洩水則有涇引其流以至江則有浦涇者如黃
浦黃泗浦奚浦陳浦許浦之類是也而湖之水皆類

以泄焉

鹽鐵塘亦名內河其口始自黃窰繚繞數百里南接崑山西
連江陰不知何代所開所以泄吳松江之水也今不詳其
處郊廛稱縣西北六十里有塘唐文宗太和中再開疑此

即是

梅里塘東接許浦西接運河邨亶謂開之使水北入揚子江

宣和間趙霖開

見前水利注

福山塘政和間趙霖奏自泇江下北繞崑山常熟皆五里有縱浦在常熟塘則爲福山東橫塘福山西橫塘

重修琴川志卷第五

重修琴川志卷第六

叙賦

縣令平賦課上郡國漢制也晉縣屬有金倉掾隋縣屬有金都曹皆主縣賦至唐以催科爲上最而縣賦始重迄今大略如之然有土此有財土者財之所從出而田爲本故禹貢叙九州之土之田之賦次第言之者以此常熟以富裕名蓋田多而賦衍也自經界不正賦入日狹而縣不可支經界正矣賦入無所虧矣而縣益不可支何哉拘苗有令取無孑遺其端則有自矣縣之月解於是一切倚辦於征酤以救目前而愈久愈極將至於無可爲計也可不詳論其故歟故作叙賦

自紹興李侍郎椿年行經界民無隱田田無詭戶而官民兩利焉旣閱百年厯亂紛如州縣之有志力者類欲釐而正之

未能盡如所欲也端平間令王爚慨然以身任其事甫及暮年弓量竣訖於是版籍詳而賦役平矣然去今未久也而詭挾竄易類多有之大抵爲規避科役計違禁破約一切不暇恤昔之告戒範防幾於蕩然而賦役之弊端寢如故也故今叙版賦之源委一以端平爲據庶幾欲救弊而反本者尚於此有攷焉

版籍

田

元管田二百三十二萬一千五百六十三畝三角六步半端平二年修復經界管田二百四十一萬九千八百九十二畝三角一十步

民田共二百二十一萬九千九十二畝二角一十步

諸色官田共二十萬八百畝五十一步

常平田二萬四千三百一十五畝二角三十四步半

營田三萬七千三百八十三畝一十三步

沒官田三萬二千三百五十二畝三角三十四步半

圍田五萬四千一十六畝二角半步

養士學田五千八百八畝三角二十三步半

內府學田
內本縣學田

荒田六千五百五畝二角三十步

職田三萬一千六百八十畝三角四十五步

塘塗田三百六十二畝二十四步

許浦水軍都統司寨基田九十七畝二十步

河陽坊酒庫田一畝一角四十步

利石步沙田三千二百一十六畝一角五十步

沙田四千九百六十四畝一十五步半

撥賜萬壽寺田九十五畝三角五步

地

元管地計一十四萬八千六百六十畝三角三步半端平二年修復經界管地計二十萬八千三十八畝二角五十五步民地共一十九萬一千五百九十九畝三角一十九步諸色官地共一萬六千四百三十八畝三角三十二步

常平地九百六十九畝二角一十五步

營地共二千九百五十二畝一角四十九步

沒官地三千五百九十八畝三角五十六步

養士學地一百一十五畝一十一步

荒地二千四百五十一畝三十步

職地五百八十二畝三步半

塘塗地四百五十七畝二角二步

許浦水軍都統司寨基及鎮寨基地共三千七百四十

二畝三角三十七步

坊場基地八十八畝二角二十八步半

沙柴場地一千二百六十一畝一角二十步

焚化院地二十畝二角五十步

廟基地二百一畝一角一十四步

戶口 建隆元年勅應天下縣據見管主戶重陸降地
望取四千戶以上為望三千戶以上為繁二千

戶以上一千戶以下為縣自今後三年一度取諸道

縣見管戶
口陸降

主戶

主丁

客戶

客丁

僧尼

道

稅

國初盡削錢氏白配之目遣右補闕王永高象先各乘遞馬均定稅數只作中下兩等中田一畝夏稅錢四文四分秋米八升下田一畝錢三文三分米七升四合取於民者不過如此自熙豐更法崇觀多事靖炎軍興隨時增益不可勝筭至今日而極矣亦合稍思所以爲民計乎

元管夏稅絹和買絹紬綿折帛錢一十萬二千三百三十

一貫三百四十四文

除紹興經界重課多椿事故七千一百八十二貫三百三文

實計稅錢九萬四千八百四十九貫四十一文

端平二年修復經界管夏稅絹和買絹紬綿折帛錢計一

十萬四百七十三貫三百三十七文二分比祖額增夏稅絹等錢五

千六百二十三貫二百九十六文二分

苗

元管秋苗七萬四千一百二十石八斗七升除紹興經界重誤多椿事

故三千八百六十四石二斗三升

實計苗米七萬二百五十六石六斗四升

端平二年修復經界管秋苗七萬二千五百六十一石七

斗九升五合比祖額增苗米二千三百五石一斗五升五合

此正賦也近年於正賦外以苗為率復科納和糴焉
蓋吳中和糴自嘉定置百萬倉始其初一惟坐倉招

來而歲莫不以辦足告其後寢有科抑之令極於紹
定又極於嘉熙而人戶緣此凋弊者十幾六七矣
淳祐宸旨特免科抑於是吳民始復有生意未幾乃
踵行之至于今則戶有定數價無甚虧措畫頗亦甚
善然執爲成例按爲常行歲歲如之其間病弊固未
易以歷數也常熟歲糴多至三十萬石少亦不下十
四五萬石連年豐稔粗曰辦事一有水旱其數愈多
其價不益一如嘉熙之時將若之何固切憂之然則
上之人所宜爲培護本根計稍思所以變通之可也
常平義倉

按康定二年王琪奏置義倉後罷復增損不常至紹興六年
總制司申明大觀指揮每納正苗米一石帶納義倉米一斗

零納不上斗者不收義倉此所以備凶荒也若夫常平之制祖宗朝蓋取沒官田所入專以濟給老疾貧乏不能自存之人今本縣則以常平義倉合而爲一云

役錢

版帳錢一年兩料共二萬九千八百三十四貫七百一十

六文

弓手錢一年兩料共一萬三千七百六貫三百七十文

酒課

本縣酒課古例郡給糯米二千四百石就縣倉糯米關支又有縣倉斛面可以裨助故醞釀寬剩縣計賴以仰給焉自嘉熙元年郡取糯米歸府輸納歲自府倉支出前項本色付縣盪造而歲計所入始頓狹矣淳祐四年郡併取杭苗歸府却

準給糯米價錢付縣自行收糴淳祐七年令趙與翊請于郡乞捐畱歲給糯米之數就縣送納而郡不能從續止蒙撥畱折苗一千二百六十三石一斗五升歸之縣於是本縣却令人戶折納糯米以爲酒本謂之折改粳然亦僅及舊例三分之一外此則許於板帳內截畱合解錢九百九十五貫八百八文幟半會以充糴麥造麴之用所謂酒本如斯而已而本府及倅廳月解板帳爲數則甚夥也往年解赴郡帑猶或可以申展自淳祐七年徑以合解之數撥充許浦水軍券錢就縣支給應副宣限分文不可拖欠頃刻不可稽遲而旬解倅廳水軍錢大率亦猶是也自二月至七月謂之大月分八月至正月謂之小月分每月錢數雖有多寡之不同以成年計之總計七十五萬三千餘緡往往鑿空取辦然亦不過資於酒

課耳歲計非得清煮酒七千餘石莫能應辦而官資俸給與夫支遣饋遺不與焉加以柴灰工食等費州家所給既不足用不免典貸告糶於上戶以充醞造又借錢於州郡買酒於外坊轉摺變轉規取什一之贏以爲逐時支撐之計則亦甚艱窘矣將來築底其憂實多最是水軍打請之時設或措辦不周禍患立見上之人所宜計慮久遠務從寬恤使爲縣者略得以展布可也

拍店

常熟縣計今旣全仰於酒而酒課之盈虧往往在乎拍店之多寡訪之故老昔年官酒店凡四十餘所其間多僦大家富室房廊爲之續以官司負其僦金乃乘頽弊盡以拆去今所存者樓六亭店十皆官物也拍酒之所旣少則發

酒之數甚微加以私酤交行憧憧難遏何望縣計之充盈耶鮑令君廉於是移撥官司空闲舊屋添創拍店七所庶以收拾遺利然類非衝要沽賣實稀而積累增收亦或可以少裨助焉但此邑之吏每視官錢猶已物允所以肆其侵欺者無所不至後之人亦惟精加考覈焉可也

醋息錢

舊有醋庫官造醋以取息比年以來撲賣於民每日納息不過十數千椿爲酒務雇夫之用外此又有醋錢責之寺觀庵宇輸納近年其籍散亡止據其見納者每月約千餘緡並歸版帳

商稅錢

初無定額日據赤曆所收以爲版帳之助然大約日收不過

三四十千蓋常熟既非孔道近年又以淮路多梗商旅類出於他郡而縣稅益寥落無怪也

上供

縣困於上供甚矣一歲版計至輸七十餘萬緡其間如許浦水軍券錢一項最爲關係鮑令君廉日以乏興爲慮戴星勤凡瘁秦養燕遊一切痛節所得月俸主租類置而不問故每僅僅能辦給良亦難矣昔陳待制謙奏疏謂郡縣征利椎斧相臨而縣爲之底驅士大夫作縣如赴湯蹈火是蓋真知爲縣之難者使其視茲邑之煎熬又將如何哉然則有若鮑令君之政亦上之人所宜獎異也

全年版帳通計九十二萬八千八百八貫八百四文

內縣庫合發錢七十五萬三千四百九十七貫五百九

十二文

內丞廳役錢一十七萬五千三百一十一貫二百一十

二文

許浦水軍券錢四十六萬五千二百一十貫九十二文
轉運主管司錢二十五萬一千九百四十五貫一百文
常平庫府役錢二萬八千八百八十九貫文

五六分錢四千九百九十八貫九百文

通判西廳減省雇人錢二千二百九十二貫文

提刑司頭子錢一百六十二貫五百文

錢庫

縣錢庫例置于廳事之兩旁此則請官收支之庫也若
庫子交錢之所則有到廊庫焉本縣目今所收別無項

目大都不過酒錢商稅錢而已舊來廊庫在鼓樓之側去廳差遠每日收到之錢漫不可稽續移就中門其相與爲欺則猶故也鮑令君廉任內不免將縣廳東庫就令交收耳目爲近或可攷察然書手與庫指財賦司通同爲一亦難盡察於關防之外要須令書手不得干與錢物庫指不得干與帳目猶庶幾焉又如本縣其他財賦之合解上司者吏輩循習舊例徃徃收於其家發於其手弊倖難窮要未易革而亦不容於不革也

職田

提舉使廳九十石四升

茶鹽司提幹廳一百六石六斗六升

茶鹽添差提幹廳三百四石六斗

常平司提幹廳九十三石七斗二升

常平添羌提幹廳一百七十石

轉運司宗室運幹廳四十石

知府使廳一百八十石九斗五升

僉判廳三十八石

添羌節推廳六十石

察推廳七十一石五斗六升

司理廳五十石九斗一升

司法廳九十三石八斗九升

糧科廳三十石

監稅廳九十三石四斗

監比較務廳二十一石三斗一升

總管廳二百二十石

路鈴廳二百二十七石二斗六升

添羌路鈴廳二百二十七石二斗六升

路分廳九石三斗六升

都監廳九十七石八斗

添羌都監廳四十八石四斗

監押廳八石七斗二升

添羌監押廳一百四十三石二斗二升

知縣六百八十五石九斗七升

縣丞四百五十五石八斗六升

主簿二百八十五石三斗七升

縣尉二百八十四石二斗二升

監酒一百七十九石八斗六升

監稅一百七十九石八斗六升

梅里監鎮一百二十石八斗

許浦監鎮一百二十石四升

福山監鎮八十五石三斗八升

慶安監鎮二十六石二斗九升

福山巡檢七十四石九斗四升

許浦巡檢一百二十三石八斗三升

白茆巡檢一百二十石

計五千二百八十九石三斗六升

職租并在府諸廳每年入納額管三千六百四十一石五斗三升往歲並支本色又以苗輸縣倉所入豐裕於

合支數外每有增益焉自苗歸府縣計空乏既無增益而餘米復不足以供但干支遣且淮淝發運所將上項職租盡行回糴以充軍餉縣家仍有陪貼般運種種之費最是縣吏爲欺攬收入已臨時但以空身抵睡甚則竄逸每歲一易其籍蓋有籍無其田而吏有其租者今回糴一項固未能免而弊之在吏者苟精加考覈無墮其計庶乎祖額有稽不至平白爲之失陷也

縣役人

押錄

舊額二人今以縣事繁冗增差不定

手分

隨案分所差無定額

貼司

引事

廳子

書司

手力

即廳子引事名字請給於丞廳

鄉司

鄉裏

當直人

酒帳番散番等請給於縣庫茶

雜職

弓手 舊額一百六十五名

牢子

弓手輪差每月輪差一名充獄具

市巡

弓手輪差

所由

糾級

糾子

欄頭

務司

酒匠

柵子

直司

在縣承催苗稅而已

脚力 凡保正追會之事

僧直司

承受寺院事件

鄉役人

國朝鄉役人自熙寧行保甲罷耆戶長壯丁而法始變自元

祐復耆戶長壯丁猶以保甲而法大變自紹聖而後以耆戶
長壯丁錢盡歸公上而法盡變民避役如避寇舉世盡然是
邑獨甚端平旣正經界乃汲汲茲事謂按籍選差終不能無
弊於是因數都義役之舊一以乾道詔書從事排年任役率
田供費條畫列之規約宸旨丁寧一一具載之所以計慮久
遠者亦悉矣曾未二十年更革幾無復遺而受害者大抵如
故嗚呼累年成之而不足一日壞之而有餘豈不甚可惜哉
然綱目具存爲政者儻攷求而舉行之則爲力亦甚易故今
撫王令君申明之要著于編若其詳則有規約在

義役省劄

平江府狀據常熟知縣王承議申竊惟賦役二事關於民生利
害最大本縣向來戶版厖亂吏姦縱橫官督虛籍之賦民苦破

家之役追惟徃弊不忍復言當職思其憂自初到官亟圖所以救之修復經界整比版籍民按實產受常賦貧富小大幸就明實儻不及時團結義役則作僞者詭寄以自利尚氣者紛糾以傷和役政不修賦籍隨壞非特前功盡廢抑恐後患滋多迺分委鄉官勸率役產參合都分主客之勢斟酌地里寬窄之宜量役費之重輕準助田之多寡仍詳爲開陳使人樂趨第其先後以次充替經始於端平丙申四月竣事於嘉熙丁酉五月載念官民兩便備罄勤勞雖今者喜於有成尤藉後人守而勿失方爲求便除已採撫始行之大要條畫垂遠之定式繕寫成帙申府僉印發下外其間更有數條事體稍重關於義役修廢乞從本府備申朝省割下本縣遵守併割提舉常平使司照會施行須至供申者

一據申本縣九鄉五十都今管義役田地共五萬五百二十畝一角五十八步五尺五寸歲收租米麥共二萬四千九百九十八石六斗四升一合一勺已隨都分大小分撥與保正長聽其任便收支以助役費有餘不足官司更不復干預其田並係常平物業不許公私典賣亦不許移易轉換違者按法坐罪業還義役莊錢沒官其助田之家將來富者不加增貧者不許取入仕而免役者不給還有家道倍進樂然添助者聽有驟富而素不助田者量助

一據申本縣諸都舊亦各有役田止緣役首欲擅其利故自破壞義役掩取田租又慮人告發則或獻納本縣板帳庫或獻納常平司旋即詭名請佃量納租錢官

司苟目前之微利不暇爲赤子深謀多墮其計夫庸
錢不除差役仍舊民已不勝其勞矣今役費日重民
至相率出田助役自以爲義彼其所以不憚其煩者
蓋欲求一日之安上之人能反其初而觀之寧不爲
之惻然動心乎今在版帳庫者二百餘畝已給還久
矣在常平司者見議申乞所有今來見管義田日後
並不許姦民獻納官司亦不當收受有獻納者則將
其人根究重寘于法

一據申保正長向來充役之費最爲浩瀚保長旣爲產去
稅存逃亡戶絕等戶代納稅租矣而爲保正者亦抑
之催科例行陪納其他色目尤多如保正則有科供
竹木科取穀果科買槽酒節序燈油接官器具檢屍

定驗之費保長則有著役召保請給虛限出豁簿書
七夕冬至二節供送吏胥之費加以上落牌頭開拆
司苗稅案誅求無藝已一切禁戢蠲免供具申本府
及諸司永與蠲除後如吏胥更有纖毫科擾卽仰役
人與機察糾率衆戶經縣及經上司理訴痛與究治
一據申義役初行之時勸率助田則上戶非所便義役旣
成之後不復差役則公吏非所便其至便者惟大小
役戶而已竊恐日後上戶之已出田者或再欲佔據
或強自抱租吏人或破例差役或生事搔擾許役戶
與機察合詞經官理訴或徃上司陳乞必使攻擾之
計不得容毫髮而後義役之利可以垂永久至如鄉
里不許干預役事遇造保長苗稅簿子仰明注欠戶

住居地分如保長不知着落而鄉戛志在乞覓不以實告亦許保長陳論官司當與根究重作施行務要保長分文無陪納之患

一據申本縣各都保正長雖已分撥田租以充役費而其間窮窄都分或遇水旱則役戶必難支吾今將諸都率到官民戶餘剩助役錢及拘到端平二年三年不差苗長舊義役米錢并本縣撥到官錢共二萬二千三百貫文官會約可買田八百餘畝可得租米六百餘石別項椿積於椿積米內斟酌均撥支付役戶以助其用申縣照會如寬都偶遇水旱特甚委是費力亦與量行給助如官司忽以借兌爲由干預錢米不許提督容情應副其餘已別詳立規式

一據申役政之弊始於版籍之不明版籍之弊始於過割之不謹本縣今將各都新排經界田籍備錄一本印押交付機察謹密收藏每遇人戶典賣田產並許具狀經縣陳乞送下機察仰置簿打號發下保正役主內係起催夏稅以後入狀者卽責付新苗保長內係起催秋苗以後卽責付新稅保長令取責契照及兩家砧基點對保明類申機察機察類申本縣送鄉憂局參對官籍移割其詭名寄產者繳回元狀不許容情相與爲欺違者一例坐罪務要戶籍常清保長可無陪納之患本縣自十二月初一日以後受移割夏稅狀止正月十五日終自六月初一日以後受移割秋苗狀止六月終限滿更不受理

一據申保正義役事件至多已置籍申府僉印照證今不敢細碎煩瀆姑摘取其要切者供申其餘條目凡酌之僉論而載于官籍者並一體施行伏候指揮八月二日奉聖旨王爚修復經界義役職事修舉與轉一官並下淞西提舉司平江府常熟縣永遠遵守勿致黠吏姦民輒行破壞

右劄付平江府常熟縣

嘉熙元年八月 日